



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta
præcipua, & eximiæ Virtutes Sanctorum ac Beatorum utriusque sexûs
Ejusdem Sacri, Et Ab Origine Sua Exempti Ordinis

Meglinger, Joseph

[S.l.], Anno MDCLXXXII.

Epistola Nuncupatoria.

urn:nbn:de:hbz:466:1-45295

EPISTOLA NUNCUPATORIA.



ILLUSTRISSIMO,
ET REVERENDISSIMO
DOMINO, D.

JOANNI
PETIT,
ABBATI CISTERCII:

CHRISTIANISSIMI REGIS

à Sanctoribus Consilijs:

ET IN SUPREMO DUCATUS
Burgundiæ Senatu

CONSILIARIO PRIMO NATO:

Universi

Cisterciensis Ordinis

CAPITI,

AC SUPREMO GENERALI.

DOMINO MEO GRATIOSISSIMO.

EPISTOLA NUNCUPAT.

FORTUNATISSIMI
semper Ominis Cistercio
ab ipsis jam inde cunis
fuit Clarissimi Stemma-
tis Tui nomen PETIT,
Latinâ linguâ PARVUS
Illustrissime & Reverendissime DOMINE.
Id primùm Divo Stephano, Abbati tertio
Cistercij per Oraculum cœleste monstratum
est, quando de Filijs ejus quidam ex mor-
tali hâc vitâ migraturus, illi de futurâ Or-
dinis propagatione sollicito narravit: Vidis-
se se lucidissimum fontem juxta Oratorium, in
quo multitudo innumera vestes mundaverit.
Ea est autem Fontium natura, ut in sua sca-
rurigine modici, quò longiùs progrediuntur,
eò magis increcant, navésque ad maris invi-
diam grandes suspendant. Sic celebris ille
Rhenus in Rætia rivulus est, in Belgio vix
non Oceanus. Danubius in Helvetiæ nostra
vicinia exortus pueri saltu superatur, in
Hannonia Classium patiens. Hinc Stephanus
latissimo prævidit augurio, quanta olim ter-
rarum

NUNCUPATORIA.

rarum spatia Fons ille cœlestis sit inundaturus. Hujus ostenti minimè ignarus Christiani Orbis Princeps Clemens IV. sub hoc ipso Fontis symbolo Cisterciensem Ordinem eminentissimis elogijs extollit: [FONS, ait, PARVUS, qui crevit in Fluvium, & in lucem solémque conversus, in aquas plurimas redundavit, Cisterciensis est Ordo prælucidus, qui à sui ortus exordio parvus & humilis abjectione habitus, tenuitate substantiæ, humilitatis professione, & numero professorum, sub Fontis metaphora non indignè describitur: cui diversarum illi proprietatum conformitate conformis non immeritò comparatur.] Hujus Fontis effigiem adumbrare levi penicillo conatus sum in libelli fronte: cujus angustia non tulit alia nomina, nisi quatuor mundi plagarum. In promptu enim fuisset ampliorem chartam implere infinitis regnorum & regionum nominibus, per quæ Fons Parvus sua brachia extendit. Recensenda fuissent præter amplissimam Galliæ Monarchiam Regnum Hispaniæ, Castellæ Aragoniæ, Navarræ, Galleciæ, Lusitaniæ: scribi debuisset Angliæ, Hyber-

EPISTOLA

nia, Scotia, Dania, Suecia, Norvvegia: incensum venisset Hungaria, Austria, Styria, Tyrolis, Carinthia, Polonia, Prussia, Livonia: adducenda fuisset cum suis partibus Germania per tractum Coloniensem, Trevirenses, Moguntinum: per Vasconiam, Saxoniam, Lusatiam, Pomeraniam, Bohemiam, Moraviam, Silesiam: accessisset Sicilia, Italia, Sardinia, Sabaudia, Insula Rugia & Cypri regnum: agmen denique clausisset Addictissima Illustrissimo Nomini tuo Congregatio per Franconiam, Sueviam, Bavariam, Tyrolim, Alsatiam, Brisgojam & Helvetiam. In his aliisque Provincoijs per prima: duo: ab ortu secula Fons iste parturijt Virorum monasteria (quantum ex monumentis constare potest ac Tabulis) septingenta septuaginta: ut silentio praterream coenobia Virginum; quorum numerus si non major, sanè parum fuit inferior: ut nullam quoque faciam mentionem Ordinum Equestrium de Calatrava, Alcantara, Avisio, Montesia, Christo, S. Mauritij, nobilissimorum Fontis Parvi propaginum. Adeo nulla fuit gens tam remota ac dissita,

ac dissita,

NUNCUPATORIA

ac diffita, nulla tam fera barbaries, nulla natio tam rudis. & inhumana, quò Fluvius iste non pervaserit. Jam verò si illius splendorem considerare libeat (nam Lucidissimus apparebat) non Ganges aliquis. Tagúsve tantam genuit gemmarum copiam, quantam perper quinque seculorum decursum Fons iste produxit. Micant hinc Tiara Pontificum, Regum corona, Ducum Diademata, Præsulum Insignia: illinc virtutum summarum decora, prodigiorum stupenda lumina, omnis sanctimonie ornamenta. Harum gemmarum septingentas septuaginta septem in hunc fasciculum ex veterum recentiorumque monumentis collegi, partim ut incomparabilis hæc Cistercij gloria ad plurimum perveniat notitiam, qui grandioribus destituti voluminibus tam inclyras sacri Instituti divitias ignorant: partim ut refricata veterum gestorum memoria præsentem ætatem ad pios emulationis conatus exciter. Semper enim, inquit Mellifluus Doctor, operæ pretium fuit sanctorum describere vitas, ut sint in speculum & exemplum ac quoddam veluti condimentum vitæ homi-

EPISTOLA

num super terram. Per hoc enim quodam-
 modo apud nos post mortem vivunt, multosq;
 ex his, qui viventes mortui sunt, ad veram
 provocant, & revocant vitam. [in pres. ad
 vitam S. Malachia.] Producentur in hanc
 scenam Pontifices summi, 3. Cardinales 9.
 Archiepiscopi 17. Episcopi 55. Generales
 Ordinis. 22. Abbates, 161. Reges ac Du-
 ces, 7. Regina, 5. Abbatissa, 15. Monachi
 deinde cum Conversis ac sacris Virginibus
 sunt assignati numeri totius complemen-
 tum. Patere, Illustrissime Domine, ut li-
 bellum hunc derivatam ex Parvo Fonte ve-
 nam appellem (si tamen mihi liceat vel hoc
 tenui vocabulo illum dignari) quae ut ad su-
 am pro fluminum genio recurrat originem,
 non potuit non properare Cistercium, parvu-
 lus ad PARVUM. Sed Tu quidem Par-
 vus es, Praesul Illustrissime, solo Gentilitio
 Nomine; è contrario lucubratiuncula haec mea,
 quam ad Gratosissimos pedes Tuos tan-
 ta, quae possum animi corporisq; demissione
 ac reverentia depono, mole & arte non par-
 va tantum sed minima, ab una Magni-
 tudine

NUNCUPATORIA.

rudine Tua pretium emendicat. Magnus es enim, quia amplissimi Corporis Cisterciensis Venerabile Caput, quod utique proportione congrua cum reliquis membris condecoratur. Sed & Magnum Te fecit nuper Rex Christianissimus, Ludovicus ille Magnus, qui per sapientiam verè Regiam quatuor penè seculorum lite decisâ, Caput Ordinis in suprema illimitata potestatis arce cum filiorum amantiſſima gratulatione stabilivit. Magnum Te præterea deprædicat humanissima illa Mansuetudo Tua, quâ totius Ordinis alumnos Paterno amore complecteris. Afferit Magnum Prudentia singularis, qua consiliorum oracula per univèrsam orbem dispensas. Efficit Magnificè Parvum demissio, quâ summum honoris verticem tam benigna propensione ad minimum quemque inclinas. Unde & ego sumpsi animum Illustrissimo Nomini Tuo exiguum hunc styli mei præliquo laborem consecrandi. Leges in his pagellis non tam præscorum Patrum quàm Tuas virtutes, Tuoque favore animum huic, licèt indignæ manui meæ addes ad ulteriores conatus. Suscipe i-

EPISTOLA

*gitur Illustrissime Domine quantulumcumq;
 munus à minima filiarum Tuarum Maris-
 stella ad Te profectum: nam & Numinibus
 vilia quandoque pauperum donaria legimus
 non displicuisse. Unico hoc voto epistolam
 concludo: ut nimirum post diuturnum felix-
 q; Regimen tandem meritorum tuorum di-
 gnam recepturus mercedem, eternum exul-
 tes sub umbra Pallij, Virginei Regine Cœ-
 litum, specialis Patronæ nostræ MARIÆ,
 augeasq; felices illos Cistercienses, quos Con-
 versus ille pius in cœlesti gloriâ spectavit:
 Cujus ostenti effigiem frons hujuslibri repræ-
 sentat, & ego ex Casario nostro breviter ad
 diem 15. Augusti recensui. Deus Clementis-
 simus exaudiat hoc votum meum, ac Te, Il-
 lustrissime Domine, in plurimos porrò an-
 nos ad sacri Ordinis splendorem, & filiorum
 solatium, sospitem, atq; omni ex parte bea-
 tissimum conserveat. Ex Typographeo Ma-
 ristellano Calendis Octobris 1682. dedit*

**Illustrissimæ, & Reverendissimæ
 Dominationis Tuæ**

filius indignus
Religiosus Maristellanus.